



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1525. usque ad annum 1529

Fleury, Claude

August. Vind. [u.a.], 1769

VD18 90118480

§. 13. Scheda provocatoria per Facialem missa.

[urn:nbn:de:hbz:466:1-66472](https://nbn-resolving.org/urn:nbn:de:hbz:466:1-66472)

§. XII.

Sæc. XVI.
A.C. 1528.

Cæsar a Francisco Rege ad singulare certamen provocatus.

Regis epistola paucis verbis continebat vindicias de probris, quibus eum Cæsar & honoris & fidei suæ oblitum criminabatur; his literis Franciscus Carolum ad singulare certamen provocabat, ut injuriam sibi illatam, suumque honorem gladio repararet. Hanc epistolam Granvellanus ad Cæsarem deferre renuebat, caussatus, legationis suæ tempus exiisse, proin se ad hoc negotium publica auctoritate destitui, quapropter Rex hasce literas cuidam feciali commisit, qui eas Valifolenti Carolo Cæsari tradidit.

*Ant. Vera l. c. p. 153.
Bellai l. c.
Guicc. l. 18.
Bouch. part. 4.*

§. XIII.

Scheda provocatoria per Fecialem missa.

Ita Rex ad Cæsarem perscripsit: „Nos „ Franciscus Dei gratia Galliarum Rex, Genuæ Dominus &c. salutem „ dicimus tibi Carole per Dei gratiam electe Romanorum & Hispaniæ Rex. „

Dupleix hist. de France to. 3. vie de Francois I. n. 372. Vie de Charles to. V. par Grag. Leti tom. 1. p. 33.

„ Notum tibi facimus, ad aures nostras pervenisse, quod in cunctis re-

D d 3 „ spon-

Sæc. XVI.
A.C 1528.

„ sponſis a te datis ad Legatos & fecia-
 „ les noſtros, quos ad te ob commu-
 „ ne pacis bonum noſtro nomine de-
 „ crevimus, ad honeſtandam repulſam
 „ tuam inani ac infirmo obtentu uſus
 „ fueris, atque iniuſte nos accuſaueris,
 „ *quod oblitus fidei datæ aſſertor, tuis ex-*
 „ *ceſſerim manibus perfidiæ reus.* Equi-
 „ dem datam promiſſi fidem ſeruire
 „ nos haud obſtrictos ſcimus, eoquod
 „ vi adacti plura polliciti ſimus; ut
 „ tamen læſum honorem noſtrum repa-
 „ raremus, literas tibi mittere com-
 „ pellimur, quibus te ad ſingulare cer-
 „ tamen provocamus, ut nomen no-
 „ ſtrum tueamur; ſemper enim nobis
 „ honor noſter cordi fuit, illumque ad-
 „ iuvante Deo continue uſque ad ulti-
 „ mum vitæ halitum ſollicite conſerva-
 „ re ſtudebimus. *Quocirca ſi noſtrum*
 „ *diſceſſum criminatus ſis, aut criminis, vel*
 „ *ſi quid a nobis commiſſum contra datam*
 „ *fidem, & libertatis noſtræ ſponſionem,*
 „ *vel contra veri Principis officium a nobis*
 „ *perpetratum aſſeras, diſſerte nos te aſſeri-*
 „ *mus mentiri, totiesque te mentitum*
 „ *ſuiſſe aſſeremus, quoties tu idem de*
 „ *nobis affirmas.,* *Fixum nobis eſt, ho-*
 „ *norem, atque exiſtimationem noſtram e-*
 „ *tiam cum vitæ diſcrimine tueri. Et quid*
 „ *Verbis, armisque cum tot hominum ex-*
 „ *cidio contendimus? Noſtro duorum, ad*
 „ *quem*

„ quem me provocas, gladio hanc litem di-
 „ rimamus, duelloque, quo postulas expe- Sæcul. XVI.
 „ riamur, utri caussa & æquitas faveat, A.C. 1528.
 „ huic locum, tempusque designa. Si con-
 „ gressum hunc differes, solisque in famam
 „ nostram verbis debachabere, totius ad te
 „ controversiæ turpitudinem pertinere de-
 „ clarabis. Datum in fideli urbe nostra Pa-
 „ risiensi, hac die vigesima octava Martii
 „ ante Pascha Anno Christi millesimo quin-
 „ gentesimo vigesimo septimo, seu juxta ho-
 „ diernam Gallorum computandi ra-
 „ tionem in Galliis usitatam Anno Do-
 „ mini millesimo quingentesimo vigesimo
 „ octavo.

FRANCISCUS
 Rex.

§. XIV.

*Franciscus Rex vicissim a Carolo
 Cæsare ad duellum pro-
 vocatus.*

Carolus hac provocatione acceptata
 haud dudum quid consilii caperet, Ant. Vera
 suspensus hærebat, ac de suo honore a- l.c. p. 154.
 gi ratus, non modo oblatum certamen
 lubens in se suscipiebat, sed etiam vi-
 cissim Regem ad singularem pugnam
 datis literis provocabat, easque cuidam
 famoso Burgundioni Viro tam armorum

D d 4 peri-